



2024/1166

26.4.2024

CINNEADH (AE) 2024/1166 ÓN mBANC CEANNAIS EORPACH

an 8 Feabhra 2024

lena leasaítear Cinneadh (AE) 2020/440 maidir le clár ceannaigh sealadach le haghaidh éigeandáil na paidéime

(BCE/2020/17) (BCE/2024/7)

TÁ COMHAIRLE RIALAITHE AN BHAINC CEANNAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe an chéad fhleasc d'Airteagal 127(2) de,

Ag féachaint do Reacht an Chórais Eorpaigh Banc Ceannais agus an Bhainc Ceannais Eorpaigh agus go háirithe an dara fomhír d'Airteagal 12.1 i gcomhar leis an gcéad fhleasc d'Airteagal 3.1, agus Airteagal 18.1 de,

De bharr an mhéid seo a leanas:

- (1) I gcomhréir le hAirteagal 18.1 de Reacht an Chórais Eorpaigh Banc Ceannais agus an Bhainc Ceannais Eorpaigh, féadfaidh an Banc Ceannais Eorpach (BCE), mar aon le bainc cheannais náisiúnta na mBallstát a bhfuil an euro mar airgeadra acu (na 'BCNanna' anseo feasta) oibriú sna margai airgeadais trí, I measc nithe eile, ionstraimí indíolta a cheannach agus a dhíol thar barr amach, chun cuspóirí an Chórais Eorpaigh Banc Ceannais a bhaint amach.
- (2) Agus aird á tabhairt ar na cúinsí eisceachtúla eacnamaíocha agus airgeadais a bhain le leathadh ghalar choróinvíreas 2019 (COVID-19), an 18 Márta 2020 chinn an Chomhairle Rialaithe clár ceannaigh sealadach nua le haghaidh éigeandáil na paidéime (dá ngairtear 'PEPP' anseo feasta) a sheoladh lena n-áirítear na catagóirí sócmhainní uile atá incháilithe faoi chlár ceannaigh sócmhainní BCE, arb é atá iontu clár ceannaigh sócmhainní na hearnála poiblí ar na margai tanáisteacha, an tríú clár ceannaigh bannaí faoi chumhdach, an clár ceannaigh urrús sócmhainn-bhunaithe, agus clár ceannaigh na hearnála corparáidí. Ar bhonn breithnithe agus measúnuithe áirithe, chinn an Chomhairle Rialaithe freisin gur cheart urrúis fiachais indíolta arna n-eisiúint ag rialtas láir na Poblachta Heilléanaí a bheith cáilithe lena gceannach faoi PEPP, in ainneoin nár chomhlíon siad, an tráth sin, íoscheanglais cáilíochta creidmheasa an Eurochórais.
- (3) An 8 Meán Fómhair 2023, rinneadh uasghrádú ar rátáil eistheora na Poblachta Heilléanaí go céim 3 den cháilíocht chreidmheasa i scála rátála comhchuibhithe an Eurochórais. De thoradh an uasghrádaithe sin, tháinig urrúis fiachais indíolta arna n-eisiúint ag rialtas láir na Poblachta Heilléanaí chun bheith i gcomhréir le híoscheanglais cáilíochta creidmheasa an Eurochórais. Dá bhrí sin, níl feidhm a thuilleadh le hAirteagal 3 de Chinneadh (AE) 2020/440 ón mBanc Ceannais Eorpach (BCE/2020/17) ⁽¹⁾ lena dtarscaoiltear na ceanglais a leagtar amach in Airteagal 3(2) de Chinneadh (AE) 2020/188 ón mBanc Ceannais Eorpach (BCE/2020/9) ⁽²⁾ agus lena bhfágtagar go bhfuil urrúis fiachais indíolta in euro arna n-eisiúint ag rialtas láir na Poblachta Heilléanaí incháilithe lena gceannach faoi PEPP, agus ba cheart é a bhaint de Chinneadh (AE) 2020/440 (BCE/2020/17).
- (4) Leasaítear freisin Treoirlíne BCE/2014/31 ón mBanc Ceannais Eorpach ⁽³⁾ chun an t-uasghrádú ar rátáil eistheora na Poblachta Heilléanaí a chur san áireamh maidir le glacadh le hurrúis fiachais indíolta arna n-ainmniú in euro arna n-eisiúint ag rialtas láir na Poblachta Heilléanaí mar chomhthaobhacht incháilithe. Ar chúiseanna comhsheasmhachta, ba cheart feidhm a bheith ag an gCinneadh seo ón dáta arb ionann é agus an dáta óna mbeidh feidhm ag na leasuithe sin ar Threoirlíne BCE/2014/31.
- (5) Dá bhrí sin, ba cheart Cinneadh (AE) 2020/440 (BCE/2020/17) a leasú dá réir sin,

⁽¹⁾ Cinneadh (AE) 2020/440 ón mBanc Ceannais Eorpach an 24 Márta 2020 maidir le clár ceannaigh sealadach le haghaidh éigeandáil na paidéime (BCE/2020/17) (IO L 91, 25.3.2020, lch. 1).

⁽²⁾ Cinneadh (AE) 2020/188 ón mBanc Ceannais Eorpach an 3 Feabhra 2020 maidir le clár ceannaithe sócmhainní san earnáil phoiblí ag an earnáil thánaisteach (BCE/2020/9) (IO L 39, 12.2.2020, lch. 12).

⁽³⁾ Treoirlíne ECB/2014/31 ón mBanc Ceannais Eorpach an 9 Iúil 2014 maidir le bearta sealadacha breise i dtaca le hoibriúcháirí athmhaoinithe de chuid an Eurochórais agus le hincháilitheacht comhthaobhachta agus lena leasaítear Treoirlíne BCE/2007/9 (IO L 240, 13.8.2014, lch. 28).

TAR ÉIS AN CINNIDH SEO A GHLACADH:

Airteagal 1

Leasú

Scriostar Airteagal 3 de Chinneadh (AE) 2020/440 (BCE/2020/17).

Airteagal 2

Foráil chríochnaitheach

Tiocfaidh an Cinneadh seo i bhfeidhm ar an 6 Bealtaine 2024.

Arna dhéanamh in Frankfurt am Main, an 8 Feabhra 2024.

Uachtarán BCE
Christine LAGARDE
